

ՀԱՍՏԱՏՎԱԾ Է
«Ինվիա Ինվեսթմենթս» ՓԲԸ
Բաժնետերերի 14/01/2024թ. ընդհանուր արտահերթ ժողովի կողմից

«Ինվիա Ինվեսթմենթս» ՓԲԸ գործադիր տնօրեն՝
Անահիտ Շաքարյան

«14» հունվարի 2024թ.

**«ԻՆՎԻԱ ԻՆՎԵՍՏՄԵՆՏՍ»
ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ**

**ԽՈՐՀՐԴԱՏՎԱԿԱՆ ԾԱՌԱՅՈՒԹՅՈՒՆՆԵՐԻ
ՄԱՏՈՒՑՄԱՆ ԿԱՆՈՆՆԵՐ**

ք. Երևան, 2024

Բովանդակություն

1. Ընդհանուր դրույթներ	3
2. Հասկացություններ	3
3. Խորհրդատվական ծառայությունների մատուցման պայմանագիրը.....	5
4. Խորհրդատվական ծառայությունների մատուցման կարգը.....	6
5. Խորհրդատվության մատուցման հետ կապված փաստաթղթաշրջանառության և տեղեկությունների փոխանակման ընթացակարգը.....	7
6. Հաճախորդին տրամադրվող և Հաճախորդից պահանջվող տեղեկատվությունը.....	7
7. Արժեթղթերով գործարքների հետ կապված հետազոտությունների, արժեթղթերի շուկայի վերաբերյալ ֆինանսական վերլուծությունների և այլ ընդհանուր ներդրումային առաջարկությունների կազմման և տրամադրման առանձնահատկությունները	8
8. Եզրափակիչ դրույթներ	9

«Ինվիա Ինվեսթմենթս» ՓԲԸ խորհրդատվական ծառայությունների մատուցման կանոններ

“Ինվիա Ինվեսթմենթս” փակ բաժնետիրական ընկերության (այսուհետ նաև՝ «Ընկերություն») խորհրդատվական ծառայությունների մատուցման կանոնները (այսուհետ՝ «Կանոններ») մշակված են Հայաստանի Հանրապետության արժեթղթերի շուկան կարգավորող օրենսդրությանը, Հայաստանի Հանրապետության Կենտրոնական բանկի կողմից ընդունված նորմատիվ իրավական ակտերին և Ընկերության կանոնադրությանը համապատասխան:

1. Ընդհանուր դրույթներ

1.1. Սույն կանոնները կարգավորում են Ընկերության կողմից մատուցվող խորհրդատվական ծառայությունների մատուցման կարգը:

1.2. Ընկերությունը խորհրդատվական ծառայությունները մատուցում է «Արժեթղթերի շուկայի մասին» ՀՀ օրենքով, դրա հիման վրա ընդունված նորմատիվ իրավական ակտերով, սույն Կանոններով և խորհրդատվական ծառայությունների մատուցման պայմանագրով սահմանված կարգով:

1.3. Ընկերությունը մատուցում է հետևյալ խորհրդատվական ծառայությունները՝

- խորհրդատվություն թողարկողներին՝ արժեթղթերի շուկայի միջոցով ներդրումների ներգրավման, արժեթղթերի գնահատման հարցերում,
- խորհրդատվություն ընկերությունների կողմից արժեթղթերի թողարկման, տեղաբաշխման, օտարման և հետգնման վերաբերյալ,
- խորհրդատվություն ընկերությունների կապիտալի կառուցվածքի վերաբերյալ,
- խորհրդատվություն ընկերությունների կորպորատիվ ռազմավարության հարցերի վերաբերյալ,
- խորհրդատվություն ընկերությունների վերակազմակերպման վերաբերյալ,
- խորհրդատվություն ներդրողներին՝ արժեթղթերի շուկայում ներդրումներ կատարելու վերաբերյալ,
- արժեթղթերով գործարքների հետ կապված հետազոտությունների, արժեթղթերի շուկայի վերաբերյալ ֆինանսական վերլուծությունների և այլ ընդհանուր ներդրումային առաջարկությունների կազմում և տրամադրում:

1.4. Խորհրդատվական ծառայությունները կարող են մատուցվել Հայաստանի Հանրապետության և օտարերկրյա իրավաբանական և ֆիզիկական անձանց (այսուհետ՝ «Հաճախորդներ»):

1.5. Սույն Կանոնները հանդիսանում է հրապարակային փաստաթուղթ, որին կարող է ծանոթանալ ցանկացած շահագրգիռ անձ: Սույն Կանոնները ենթակա է հրապարակման Ընկերության պաշտոնական կայքում:

2. Հասկացություններ

2.1. Սույն Կանոններում օգտագործվող հիմնական հասկացություններն են

«Ինվիա Ինվեսթմենթս» ՓԲԸ խորհրդարարական ծառայությունների մատուցման կանոններ

«**Ազդագիր**». Թողարկողի և նրա Արժեթղթերի վերաբերյալ Օրենքով և այլ իրավական ակտերով սահմանված տեղեկություններ պարունակող փաստաթուղթ, որի հիման վրա իրականացվում է Արժեթղթերի հրապարակային առաջարկը և (կամ) Կարգավորվող շուկայում առևտրին թույլտվության ստացումը,

«**Ածանցյալ ֆինանսական գործիք**». Օրենքի 3-րդ հոդվածի 3-րդ կետով սահմանված գործարքները,

«**Արժեթուղթ**». Օրենքի 3-րդ հոդվածի 1-2-րդ, 5-7-րդ կետերով սահմանված գործիքները,

«**Գործադիր տնօրեն**». Խորհրդատուի միանձնյա գործադիր մարմին, որը ՀՀ օրենսդրությամբ և Խորհրդատուի կանոնադրությամբ սահմանված կարգով իրականացնում է Խորհրդատուի գործունեության ընթացիկ ղեկավարումը,

«**Գործընկեր**». անձ, որի ներգրավմամբ և/կամ որի միջնորդական ծառայություններից օգտվելու միջոցով Խորհրդատուն Ծառայություններ է մատուցում Հաճախորդին,

«**Խորհրդատու**». «Ինվիա Ինվեսթմենթս» փակ բաժնետիրական ընկերություն ներդրումային ընկերությունը,

«**Խորհրդատուի պաշտոնական կայք**». <https://inviabroker.com/> համացանցային կայքը, որում Ընկերությունը հրապարակում է ՀՀ օրենսդրությամբ նախատեսված, ինչպես նաև այլ անհրաժեշտ տեղեկատվություն,

«**Ծառայություններ**». Պայմանագրի հիման վրա Խորհրդատուի կողմից Հաճախորդին մատուցվող՝ Պայմանագրի համապատասխան կետում և սույն Կանոնների 1.3. կետում թվարկված ծառայությունները,

«**Կանոնակարգ 4/06**». ԿԲ խորհրդի որոշմամբ հաստատված «Որակավորված ներդրողներ համարելու չափանիշները և անձանց՝ որպես որակավորված ներդրողներ գրանցման կարգը» թիվ 4/06 կանոնակարգը,

«**Կանոնակարգ 4/07**». ԿԲ խորհրդի որոշմամբ հաստատված «Ներդրումային ծառայություններ մատուցող անձանց գործունեության նկատմամբ պահանջները» թիվ 4/07 կանոնակարգը,

«**Կարգավորվող շուկա**». հանրության համար ուղղակիորեն կամ անուղղակիորեն մատչելի կազմակերպական, իրավական և տեխնիկական միջոցների համակարգը, որը կանոնավոր կերպով Արժեթղթերի, ինչպես նաև Ածանցյալ ֆինանսական գործիքների առքի և վաճառքի առաջարկների հանդիպման վայր կամ միջոց է կազմակերպում, տրամադրում, ապահովում կամ իրականացնում է Արժեթղթերով, ինչպես նաև Ածանցյալ ֆինանսական գործիքներով առևտրի կազմակերպման սովորաբար իրականացվող գործառույթներ: «Կարգավորվող շուկա» հասկացության մեջ ներառվում են բորսան և այլ կարգավորվող շուկաները,

«**ԿԲ**». ՀՀ կենտրոնական բանկը,

«**Հաճախորդ**». Խորհրդատուի հետ Պայմանագիր կնքած անձ,

«Ինվիա Ինվեսթմենթս» ՓԲԸ խորհրդատվական ծառայությունների մատուցման կանոններ

«**Պայմանագիր**». Խորհրդատուի և Հաճախորդի միջև կնքված՝ Խորհրդատվական ծառայությունների մատուցման պայմանագիր, ինչպես նաև առկայության դեպքում Ընկերության և Հաճախորդի միջև բրոքերային ծառայությունների մատուցման պայմանագիր, որի հիման վրա ծագում և որով կարգավորվում են Հաճախորդի և Խորհրդատուի իրավունքներն ու պարտականությունները՝ կապված Խորհրդատուի կողմից Հաճախորդին Ծառայություններ մատուցելու հետ: «Պայմանագիր» հասկացության մեջ ներառվում են նաև սույն Կանոնները, Սակագները և Խորհրդատուի այլ ներքին իրավական ակտերը, որոնք հրապարակվում են Խորհրդատուի պաշտոնական կայքում,

«**Պատասխանատու աշխատակից**». Խորհրդատուի աշխատակից, որը պատասխանատվություն է կրում Հաճախորդի հետ Խորհրդատուի կապի ապահովման համար,

«**Սակագներ**». Գործադիր տնօրենի կողմից հաստատված՝ Ծառայությունների սակագները, որոնց համապատասխան Հաճախորդը Խորհրդատուին վճարում է Ծառայությունների համար,

«**Տեղեկատվության փոխանակման հուսալի միջոցներ**». առձեռն առաքում, հաղորդակցություն Պայմանագրի համապատասխան կետում նշված էլեկտրոնային փոստի հասցեների և հեռախոսահամարների, ինչպես նաև էլեկտրոնային հաղորդակցության այլ կապուղիների (օրինակ՝ բջջային հավելվածների) միջոցով,

«**Օրենք**». «Արժեթղթերի շուկայի մասին» Հայաստանի Հանրապետության օրենքը:

2.2. Սույն Կանոններում օգտագործվող այլ հասկացությունները սահմանված չլինելու դեպքում ունեն Օրենքում և դրա հիման վրա ընդունված այլ իրավական ակտերում սահմանված նշանակությունը, իսկ դրանցում սահմանված չլինելու դեպքում՝ միջազգային գործարար սովորույթներով այդ հասկացություններին տրվող նշանակությունը, եթե այլ բան ակնհայտորեն չի բխում կոնկրետ հասկացության կիրառման մասնավոր դեպքից:

2.3. Սույն Կանոններում փոփոխությունները և լրացումները կատարվում են Խորհրդատուի կողմից միակողմանիորեն՝ այդպիսի փոփոխությունից կամ լրացումից հետո փոփոխության/լրացման մասին Պայմանագրով սահմանված կարգով Հաճախորդին ծանուցելու պայմանով: Սույն Կանոնների բոլոր փոփոխությունները և լրացումները սույն Կանոնների և Պայմանագրի անբաժանելի մասն են:

3. Խորհրդատվական ծառայությունների մատուցման պայմանագիրը

3.1. Խորհրդատվական ծառայությունները մատուցվում են խորհրդատվական ծառայությունների մատուցման պայմանագրի հիման վրա:

3.2. Եթե Հաճախորդի հետ կնքվել է պայմանագիր Ընկերության բրոքերային գործունեության շրջանակներում, ապա արժեթղթերում ներդրումների հետ կապված խորհրդատվությունը կարող է մատուցվել նաև այդ պայմանագրի հիման վրա:

3.3. Խորհրդատվական ծառայությունների մատուցման պայմանագիրը պետք է ներառի՝

«Ինվիա Ինվեսթմենթս» ՓԲԸ խորհրդատվական ծառայությունների մատուցման կանոններ

- խորհրդատվական ծառայությունների բնույթը և կատարվելիք աշխատանքների նկարագրությունը,
- կողմերի իրավունքները և պարտականությունները,
- խորհրդատվական ծառայությունների դիմաց վարձատրության չափի հաշվարկման ու վճարման կարգը,
- Հաճախորդի հետ կապի իրականացման կարգը, ինչպես նաև այն միջոցները, որոնք տվյալ հաճախորդի համար հանդիսանում են տեղեկատվության փոխանակման հուսալի միջոցներ,
- Հաճախորդի հետ փաստաթղթաշրջանառության կարգը, ժամկետները և ձևը,
- պայմանագրի պահանջների չափապանման համար կողմերի պատասխանատվությունը,
- պայմանագրի գործողության ժամկետը, փոփոխությունների և լրացումների կատարման, գործողության դադարեցման կարգը, այդ թվում՝ Հաճախորդի կողմից պայմանագիրը միակողմանիորեն լուծելու իրավունքը՝ Ընկերությանը առնվազն 10 օր առաջ տեղեկացնելու պայմանով,
- կողմերի միջև առաջացող վեճերի լուծման կարգը,
- ՀՀ օրենսդրությամբ սահմանված այլ դրույթներ:

3.4. Եթե առաջանում է խորհրդատվության ծառայությունների մատուցման պայմանագրով չնախատեսված խորհրդատվական ծառայությունների մատուցման անհրաժեշտություն, ապա դա կատարվում է Հաճախորդի կողմից ներկայացված առանձին հանձնարարականների հիման վրա: Այդ հանձնարարականները հանդիսանում են խորհրդատվական ծառայությունների մատուցման պայմանագրի անբաժանելի մասը:

4. Խորհրդատվական ծառայությունների մատուցման կարգը

4.1 Հաճախորդին խորհրդատվական ծառայություններ կարող են մատուցվել գրավոր կամ բանավոր:

4.2 Հաճախորդը կարող է խորհրդատվական ծառայություններ ստանալ՝

- ներկայանալով Ընկերության գրասենյակ,
- հեռախոսային կապի միջոցով,
- նամակի միջոցով,
- Ընկերության վեբ/բջջային հավելվածում բացված օգտահաշվի միջոցով
- Հաճախորդի նախընտրած այլ կապի միջոցներով:

4.3 Ընկերությունը խորհրդատվական ծառայությունները մատուցում է Հաճախորդի ներկայացրած տեղեկությունների և փաստաթղթերի հիման վրա:

4.4 Ընկերությունը պատասխանատվություն չի կրում Հաճախորդի կողմից ներկայացված ոչ ճշգրիտ տեղեկությունների հիման վրա տրված խորհուրդների կատարման արդյունքում Հաճախորդի կրած վնասների համար:

4.5 Ընկերությունը պատասխանատվություն չի կրում իր տված խորհուրդները Հաճախորդի կողմից չկատարելու կամ մասամբ կատարելու հետևանքով Հաճախորդի կրած

«Ինվիա Ինվեսթմենթս» ՓԲԸ խորհրդատվական ծառայությունների մատուցման կանոններ

վնասների համար, սակայն պատասխանատվություն է կրում իր տված խորհուրդների կատարման հետևանքով Հաճախորդի կրած վնասների համար:

4.6 Յուրաքանչյուր Հաճախորդին խորհրդատվություն տրամադրելու նպատակով Ընկերությունը առանձնացնում է մեկ Պատասխանատու աշխատակից, որի միջոցով իրականացվում է Ընկերության և Հաճախորդի հետագա կապը:

4.7 Խորհրդատվական ծառայությունների մատուցման փաստը հավաստվում է Հաճախորդի հետ ստորագրված երկկողմանի կատարողական ակտով, որում պետք է ներառված լինի մատուցված խորհրդատվական ծառայությունների բնույթը և կատարված աշխատանքների նկարագրությունը:

5. Խորհրդատվության մատուցման հետ կապված փաստաթղթաշրջանառության և տեղեկությունների փոխանակման ընթացակարգը

5.1. Խորհրդատվության մատուցման հետ կապված փաստաթղթաշրջանառության և տեղեկությունների փոխանակումը իրականացվում է Ընկերության ներդրումային և ոչ հիմնական ծառայությունների մատուցման հետ կապված փաստաթղթաշրջանառության և տեղեկատվության փոխանակման կանոնակարգով սահմանված կարգով, եթե սույն Կանոններով այլ բան սահմանված չէ:

5.2. Եթե Ընկերությունը խորհրդատվությունը իրականացնում է Հաճախորդի ներկայացրած գրավոր տեղեկությունների կամ փաստաթղթերի հիման վրա, ապա Ընկերության և Հաճախորդի միջև խորհրդատվական ծառայությունների մատուցման պայմանագրով նախատեսված լինելու դեպքում կարող է կազմվել այդ գրավոր տեղեկությունների և փաստաթղթերի ընդունման-հանձնման ակտ, որում նշվում է ներկայացված յուրաքանչյուր գրավոր տեղեկության և փաստաթղթի անվանումը և էջերի քանակը: Ընդունման-հանձնման ակտը ստորագրվում է Ընկերության Պատասխանատու աշխատակցի և Հաճախորդի (Հաճախորդի պատասխանատու աշխատակցի) կողմից:

5.3. Հաճախորդներից ստացված գրավոր տեղեկությունների և փաստաթղթերի պահպանման համար պատասխանատվություն է կրում Ընկերության կողմից տվյալ Հաճախորդի սպասարկման համար առանձնացված Պատասխանատու աշխատակիցը:

5.4. Ընկերության խորհրդատվական ծառայություններից օգտվող յուրաքանչյուր Հաճախորդի համար բացվում է առանձին գործ, որում ներառվում են այդ Հաճախորդից ստացված և նրան փոխանցված բոլոր փաստաթղթերը կամ դրանց պատճենները:

5.5. Ընդունման-հանձնման ակտի կազմումը կարող է նախատեսվել նաև այն դեպքում, երբ Ընկերությունը մատուցում է գրավոր խորհրդատվություն:

6. Հաճախորդին տրամադրվող և Հաճախորդից պահանջվող տեղեկատվությունը

6.1. Նախքան Պայմանագրի կնքումը Ընկերությունը պետք է հաճախորդին ներկայացնի և նրանից պահանջի Ընկերության ներդրումային և ոչ հիմնական ծառայությունների

«Ինվիա Ինվեսթմենթս» ՓԲԸ խորհրդարարական ծառայությունների մատուցման կանոններ

մատուցման հետ կապված փաստաթղթաշրջանառության և տեղեկատվության փոխանակման կանոնակարգով սահմանված տեղեկությունները՝ այդ կանոնակարգով սահմանված կարգով:

7. Արժեթղթերով գործարքների հետ կապված հետազոտությունների, արժեթղթերի շուկայի վերաբերյալ ֆինանսական վերլուծությունների և այլ ընդհանուր ներդրումային առաջարկությունների կազմման և տրամադրման առանձնահատկությունները

7.1. Ընկերությունը կարող է իրականացնել արժեթղթերով գործարքների հետ կապված հետազոտություններ, արժեթղթերի շուկայի վերաբերյալ ֆինանսական վերլուծություններ և կազմել այլ ընդհանուր ներդրումային առաջարկություններ ինչպես Հաճախորդների պատվերով, այնպես էլ իր նախաձեռնությամբ՝ հետագայում դրանք տրամադրելով իր Հաճախորդներին, կամ հրապարակելով իր ինտերնետային կայքում կամ այլ կերպ:

7.2. Հաճախորդի պատվերով կատարված արժեթղթերով գործարքների հետ կապված հետազոտությունները, արժեթղթերի շուկայի վերաբերյալ ֆինանսական վերլուծությունները և կազմված ներդրումային առաջարկություններ կարող են տրամադրվել միայն տվյալ Հաճախորդին:

7.3. Եթե Ընկերությունը իր Հաճախորդներին ներկայացնում է այնպիսի տեղեկատվություն, որում առանձնահատուկ շեշտադրվել են արժեթղթերի սպասվելիք օգուտները, ապա միաժամանակ պետք է ներկայացվի անկողմնակալ և աչքի ընկնող տեղեկատվություն համապատասխան ռիսկերի մասին:

7.4. Իրականացված հետազոտությունները, վերլուծությունները և կազմված առաջարկությունները պետք է հասկանալի լինեն ներդրումների բնագավառում միջին մակարդակի գիտելիքներ և փորձ ունեցող մարդկանց համար:

7.5. Իրականացված հետազոտությունները, վերլուծությունները և կազմված առաջարկությունները չպետք է ներկայացվեն այն ձևով, որ թաքցվեն կարևոր դրույթները կամ նախազգուշացումները, ինչպես նաև տպավորություն ստեղծվի, որ դրանք ոչ կարևոր են:

7.6. Այն դեպքում, երբ իրականացված հետազոտությունները, վերլուծությունները և կազմված առաջարկությունները պարունակում են համեմատություններ այլ անձանց հետ կամ այլ անձանց կողմից մատուցվող ներդրումային ծառայությունների հետ, ապա.

- այդ համեմատությունները պետք է լինեն տեղին և իմաստալից ու պետք է ներկայացվեն անկողմնակալ և հավասարակշռված ձևով,
- համեմատություններում պետք է նշվեն համեմատությունների համար հիմք հանդիսացած տեղեկությունների աղբյուրները,
- համեմատություններում պետք է ներառվեն այն հիմնական փաստերը կամ ենթադրությունները, որոնք հիմք են հանդիսացել համեմատության կատարման համար:

7.7. Այն դեպքում, երբ իրականացված հետազոտությունները, վերլուծությունները և կազմված առաջարկությունները պարունակում են դրույթներ ներդրումային

«Ինվիա Ինվեսթմենթս» ՓԲԸ խորհրդարարական ծառայությունների մատուցման կանոններ

Ծառայությունների արժեթղթերի կամ ֆինանսական ինդեքսի վերջին ժամանակներում դրսևորած վարքագծի կամ ցուցանիշների մասին, ապա.

- այդ դրույթները չպետք է մյուս դրույթների համեմատությամբ լինեն ավելի աչքի ընկնող,
- այդ տեղեկատվությունը պետք է ներառի ներդրումային ծառայությունների, արժեթղթի կամ ֆինանսական ինդեքսի դրսևորած վարքագիծը կամ ցուցանիշները վերջին տարվա համար (առկայության դեպքում),
- պետք է նշվեն տեղեկատվության աղբյուրները,
- այդ տեղեկատվությունը պետք է ներառինախազգուշական դրույթ այն մասին, որ նախկինում ցուցաբերած վարքագիծը կամ նախկին ցուցանիշները չեն նշանակում, որ դրանք շարունակվելու են նաև ապագայում,
- այն դեպքում, երբ դրանք համախառն ցուցանիշներ են, այսինքն ներառված չեն հարկերի, միջնորդավճարների կամ նման այլ վճարների գումարները, պետք է բացահայտվի այդ հանգամանքը:

8. Եզրափակիչ դրույթներ

8.1. Սույն կանոնների փոփոխությունները և լրացումները հաստատվում են Ընկերության բաժնետերերի ընդհանուր ժողովի կողմից (եթե Ընկերության կանոնադրությամբ այլ բան սահմանված չէ) և ուժի մեջ են մտնում հաստատման պահից:

8.2. Սույն կանոնները ուժի մեջ են մտնում «Ինվիա Ինվեսթմենթս» ՓԲԸ՝ «Արժեթղթերի շուկայի մասին» ՀՀ օրենքով սահմանված կարգով լիազոր մարմնի որոշմամբ սահմանված ժամկետում: